

吳門園墅文獻卷四

清韻



勾吳 范廣憲 君博輯

春日游吳中諸家園林用東坡和子由踏青韻

并序

元和袁學瀾文綺

吳郡東南一大都會其間民俗之靡麗風物之清
美讀廣微吳地記士衡吳趨行可知已茲自承平
日久閭井繁富豪門右族爭飾池館相娛樂或因
或創窮沃極侈春時開園縱人游賞車騎填巷陌
羅綺照城郭恒彌月不止馬余嘗值春暮偕友朋
辨杖頭錢蠟阮家屐遍覽詩家園林之勝惟時東
風扇和流鶯在樹香衢塵漲有女如雲園外繚以
粉垣趁市者張幔列肆淪茗以待來客傭夫擔豎
無資入游群聚植立以觀雜沓粉輿數百鴈翼魚
貫以進喧聲潮沸粉黛若妍若媿目不給辨延頸
鶴望不見其後入門則肩摩踵接頭不得顧衆擁
身行園內金碧陸離目奪神炫臨其臺則巒翠參
於雉堞西山之奧氣若可挹馬躡其閣則蛾綠充
於雕欄南部之煙花可平視焉更有銀塘碧沼轉
水成瀑驚鴻往來於橋上文魚游泳於波間或投
餅餌觀其唼食以為笑樂假山疊雲鳥跂蟲結倪
迂南垣之遺製於是乎在水邊林下人賣糖餒玩
具泥孩紙虎並擬諸生兒童爭集投錢如雨輕薄

之子隨逐少艾如蜂聚花曲廊窄徑群阻其行園
親薌澤約指斷叙男女定情密贈遺於牖間往往
而有日晚人散蔗滓果核擁積礙履遺鈿墮珥園
丁拾歸產致中人其繁盛也如此然詢其始末或
曰向曾屬於宦室嘗以事藉入官者或曰向曾鬻
於豪族以子不肖旋歸於他姓者或數年易一主
或數十年易一主每至荒蕪不治魚鱗守門鬼嘯
狐啼闌無人跡轉成邱墟其後復有人興起之則
今之樓臺歌舞鶯花士女皆昔之頽垣斷井蔓草
煙榛也嗟夫豈盛衰之理固如是耶抑土木足以
致殃耶大抵豪貴子弟習嗜奢靡服鮮騁肥萬錢

二

下箸不知樽節遂至喪家故君子之居室也勤儉
以率之斲椽則戒刻楠則譏督之肯堂肯構使知
稼穡之艱難田園牧養閉門足養生之具斯百世
可久耳余以寒素之士以六籍為笙簧以百家為
園圃採野芳畧溪鮮無羨乎山珍海錯也曝茅檐
風竹簟無慕乎層臺廣榭也優游林藪未嘗隨紈
袴兒於羅綺叢少尋佳趣茲乃鋪張遊事不憚煩
言者蓋猶東城父老目睹開寶繁華每樂向人道
之使後之遊者知持盈之宜慎而耽樂之不可長
也耳

潑火雨霽無纖塵吳王城郭花柳新到處園林魚鱗

放啼鶯喚出鈿車輪妙巖臺下埋香地踏青有女來
西鄰約伴開登桂馨閣曲池漾碧雙鴛馴諺廊宛轉
通帷閨華粧平視難回暝屏山盆樹工點綴疎籬攔
住鶴與麝金閨亭館盡歷遍如夢清明河上春來朝
鼓柁虎邱路還采江蘋賦洛神

擬陸士衡吳趨行并序

昔陸平原著吳趨行夸都邑之繁盛美土風之清
嘉文德武功不可殫紀顧意主贊揚而於規諷或
有缺焉今吳郡兵燹之後殷阜迥不如昔而風俗
侈麗則有過之爰仿原作體仍其韵不襲其言蓋
以黜華崇實者俾端本務云爾

三

燕趙多奇士京洛多名謳都會盛文史不如歌吳趨
擅弓言物始請自秦伯起端委治魏莪荆蠻挽頽波
閱世至季子清風流澗阿文教所暨訖蒸黎矢弗過
顧陸著繁衍俊及揚休嘉迄今數千載日月感逝波
秀良亦足貴無如競紛華金箭地產富第宅天衢遐
粵人一炬後結習仍綺羅馥馥揮廣袖灼灼含春葩
歡樂誠未已豈識憂患多行路有餓芋梁肉誇豪家
君子貴遠慮涓涓成江河滿盈必傾覆言之淚滂沱
務本在崇儉苦口陳此歌

擬陸士衡吳趨行并序

吾吳土風清嘉誠有如平原所云者顧相文以偽
相偏以靡儉非惡名轉謂蚩鄙蓋錮于習尚者篤
矣隨波逐流宰所究極物各有本導則斯返詩賡
山樞書親母佚示儉于禮責在夫士暇日讀平原
是行未能忘言雖效其體不泥其詞非敢矯其先
碩亦欲以清嘉之舊還諸吾吳云爾

勾吳隸荆蠻開國從讓王延陵展獻穀武城儀宮牆
夷風沐禮教髡俗蒙文章蒿芎一以闢駟蓋遼相望
富春比都會炎井丁衰涼武功駭巴鄴文績攀高光
祖孫代英叡孤尹家賢良八宗鳳騫翥四姓龍超驤
所嗟茂藻飾馴致蕪彝網四時輟素節三叙咸韶陽

四

亭樓櫺城野鞍馬崩衢莊瑤珠冶顰笑嫩旦都帷房
嘉喪十天產筵酌彌年糝臧興習紈繡星現憎軒裳
德花豈雨露賊榦非冰霜中榮自貞固表絢誰久長
日窮匿虞谷旅倦返故鄉憶貧庶保富揆變恒綏常
娛春勿靈巖寔夏毋山塘淑源戶詩禮阜本人農桑
童耆淑伊奭鬢妾談成康清芬渡蛇匠嘉蔭覃封閭
鄉來景行切或以吳趨憤慨馬企雍札穆然游炎黃

名園

長沙張百熙

君不見姑蘇城畔名園裡複道迴廊何遷迤錦石秋
花絢爛香山亭水閣參差起主人未知誰姓氏但道
高官殊濟濟吁嗟乎漢家離官罷不修重惜民力憂

民憂主人豈不感明詔更購良工製綺樓同治十三年詔罷園明園工作

游吳城諸園

古滬王宗毅鶴僧

留園競綺麗怡園多古樸綺園足閎敞胸中具邱壑
吾堂滄浪亭勞塵比馬濯選哉蘇舜欽高風懷繇邈
題怡園歲寒草廬呈顧良庵先生

吳縣汪 芭燕庭

眼中突兀見此屋洗盡浮華還古樸手種梅花共歲
寒鐵榦杈枒連柏竹名園妙構參畫禪大千界現一
粒粟亭榭由來爵位如立名節在培林木庭前蘿荔
衣繚垣石筍嶄嶄露頭角屋後五峰位置宜偃蹇奇

五

醜互起伏坡仙琴館通修廊瞰盆池皴寒綠年時裙
屐冶春游香車寶馬來不速雀屏璀璨鶯語喧似妬
春人好妝束詞句天衣集無縫姜張周柳驅使熟髻
斲久間七子名靈光歸讓先生獨曩者城南盛文社
把臂欣逢夔一足道光戊申與令子夔伯山林微雲
近堦鄉讀書燈影識都穆隱侯落拓沈潤齋興公貧
孫藻如於許渾如玉在璞何圖家破名未成橫江螳
賊紛青犢三年戢影西山陞劫外逃名託張祿鄧尉
諸山瀕太湖香雪濛濛屯萬斛詩編甲子做義熙隻
鷄斗酒招近局兵塵初洗赦廬在家具無多理歸躅
別業穿窬勝引人開門不厭頻剝啄虬柯一白春溫

噉茶鐺篆裊殘英靚彷彿坡老松風亭絕勝處士孤
山麓疎影暗香協律難七字詩吟步堪學吁嗟乎士
大夫以官為家幾人能享林泉福倘然宦海賦遂初
目笑傾身障錢麓萬卷書並飽庵藏九老會從髯圃
續暇日倘舉梁園尊我願撫絃奏五曲更期隙地拓
數弓一鋤寒色栽松菊

星臺招游怡園時牡丹盛放

長洲彭慰高詞生

嫩綠成團倚畫欄生香點染入毫端

客歲曾以綠牡丹徵詠並集名

手藻繪成冊

又逢上巳尋芳日來向名園放眼看孤鶴不

嫌蜂蝶鬧錦棚為護雨風殘殿春紅樂階前滿幾朵

六

含苞勒曉寒

艮庵屬題真率會圖卷七首

同前

圖九七人顧艮庵文彬吳愉庭雲勒悟九方錡潘
養閒曾瑋沈耦園秉成李香嚴鴻裔與余也

真率齋中載酒過閒雲天際意如何往來人似沙鷗
熟更比城南雅集多

三人辛未生同歲

余與艮庵愉庭同歲

惟有怡園似少年太白

百篇供斗酒閒情時泛米家船

兩壘軒裡古香浮

愉庭所居室名兩壘軒

不數難公與鴈侯餘

事荆關多妙理淡煙涼月五湖秋

南園風月結比鄰香巖北郭幽偏理釣綸耦園滿地棠陰
人爰想碧潭蒼石兩家春

鯉對聞詩學有原和羹世澤鳳池園平戎績偉多餘
慶早見孫枝邁愷元養間曾以學詩園索題聞已有孫十九人

旬宣遺愛徧三吳節鉞天南大澤敷歸到匡廬無別
夢登高悵詠插茱萸

我本滄浪舊釣童而今衰白已成翁數椽老屋堪延
客分付園丁種早松

怡園

清泉王之春詩棠

茅亭西畔曲廊東邱壑從心結構雄一草一花春醞
釀半山半水石玲瓏地饒風景賓為主詩寫天機拙

亦工莫道尋芳芳信早梅根疏雨柳條風

上巳獨游怡園

古吳潘敦先叔重

蘭亭觴詠話前因綠水名園大好春園中新拓荷池一自蘇
臺麋鹿走石闌荷徧不逢人

寒碧莊前淺草蕪晚香堂上夜啼烏冠雲峰與山茶
樹誰寫風光入畫圖

山林鍾鼎太平時各有園林足自怡怡園主人題面園雅集圖句
歎息梓桑功尚在何人酌酒拜崇祠

游怡園有懷

永唐陳栩蝶仙

西風無那惱人懷一畝蒼苔綠半階儘說顧家園子
好不堪提起護龍街怡園

入門風景太淒其殘雪瀟瀟壓竹枝小小洞門圓似
月阿誰亭柱更題詩坡仙琴館

奇石偃僂似老人古苔斑駁困風塵坡仙已去焦桐
死還有何人解賞音石聽琴室

波光塔影兩參差南雪亭邊小立時燕子不歸春已
半斜陽閒煞好花枝南雪亭

石橋曲曲水灣灣三面湖亭兩面山倚檻坐憎一池
水歡容不照照愁顏藕香榭

梅花如雪繞吟廬鐵篴吹來笑故吾若把寒梅比肥
瘦阿儂還不算清癯梅花廳事

蒼松黃葉擁孤臺六扇文窓面水開十曲危欄凭不
得八

得滿天風雪撲人來湖曲松陰

松花亂落鳥無聲傑閣登臨感慨生但說兩山眉嫵
好如何不見畫眉人松籟閣

兩間屋子小於舟止水無波靜不流儘有谿山竹風
景片帆何苦去揚州舫齋

八月西風下井梧翠毛么鳳恨何如生憎墻角如鈞
月照上窓紗一半無碧梧樓鳳

舊時月色尚依然敲斷金釵散綺筵不怪雲英無處
覓如今舉宅也成仙舊時月色

絳霞洞裏綠成陰語燕啼鶯沒處尋幸是繫鈴人去
了不然揉碎惜花心絳霞洞

婆婆雲外小勾留一點秋心合做愁巖桂高枝休折
取好花須插美人頭雲外婆婆

迴廊繞徧待如何山水無情人歎歌我愛桃花勝兒
女旁人不許更摹摹繞過回廊

歲寒松柏見貞心留得焦桐爨後音莫把平安問修
竹沈腰消瘦到於今歲寒草廬

山頂危亭四面開層層石級凍莓苔叮嚀莫唱滄浪
曲我感滄桑一度來小滄浪亭

午月既望偕黎里黃沅芷邱壽人放權吳門游

怡園

震澤徐世勳 藻函

問訊尚書里來尋顧氏祠亭臺新畫稿楹額昔賢祠

九

鳥語一林碎荷香四座披獨游情已愜況與故人期

游獅子林用元郭麟孫游虎丘韻

吳縣吳恩熙 莖青

入門忽驚駭四面疊峰嶺飛從何處來獨闢靈奇境
一鏡澄波光千林散煙景巖壑分向背水石含動靜
幽洞激清籟怪壁躡孤影磴空鳥道盤路怯蟻封騁
我今結伴游爽氣願同領一俯復一仰步步欲回省
雲煙起尺幅陰晴換俄頃峭捫薜荔牆巧奪轆轤井
古寺鐘韻幽園前為獅子林斷橋澗聲冷慮淡物始輕真趣
興尤永迢遙數百年為喚雲林醒

題東畬張翁獅子林圖長卷并序

東舍翁名應均字星纏元和人兩中副榜以四庫館騰錄得四川瀘州州判後署馬邊廳事以終養告歸嘉慶三年卒年六十七善寫山水初得富陽董相國指授悉師法之後稍變自為一家此卷作于乾隆辛丑以授其第二女女通陸氏克家之外姑也道光丁未四月會試報罷出都取道陵縣起居于友壻張典史官舍出此授余蓋藏棄七十年矣外姑語余云吾嫠老無子孫思南中不得歸吾父子孫間今亦罕存者汝寶藏此畫不啻使我兩家猶有人也既謹受之抵里門訪翁自跋云先繪一圖付寺僧岍峰者已無可蹤跡又見韓東生文

+

鈔云翁嘗以所藏憚南田撫倪高士獅子林圖贈岍峰則跋中未之及也展玩增歎輒題二絕句

元和陳克家梁叔

老筆南田共散亡煙雲陳跡易情傷百年鄭重山門鎮獨有人間敝篋藏
初開蘭若地平分往事能談更幾人畫裡獨留全勝在芳園想像翠華春

獅子林

元和袁學瀾文綺

九曲峰巒訪舊遊啼鶯林際喚春愁石飛雲氣迷苔碣松瀉濤聲過佛樓池鶴倒窺人影立蘋魚仰啜鬣
花游傾城士女咸來賞笑說倪迂畫意幽

戊辰二月廿二日同張筱峰先生查蕉垞劉拙
安亢鐵卿子清杰同游洽隱園獅子林至晚而
歸

同前

清明纔過春日喧招邀舊侶尋名園少年慘綠謂蕉
叟頌白僧房淪茗坐笑言起登山亭望桃李天氣晴
和風日美足然履響出迴廊前度劉郎兼亢子有約
携琴乘輿來相與憑欄賞紅紫城外西山照眼青撲
人朝爽俗塵醒萬家屋瓦魚鱗簇遠樹含煙接杳冥
墻碑新勒容徐讀洽隱高情渺難續金屋藏嬌事已
空忽驚虎張鏗刀鞘此園曾屬宦家後為逆泰運重
開兵劫消明裡馨薦靈旗肅意行同上酒家樓把盞

十一

臨風問井桐喜得承平生齒聚昌豐士女集遨頭綠
陰路轉潘儒巷奇石獅林分寶幢洞逕橫穿九曲珠
苔梯攀陟勞升降墨跡欹斜壞壁詩籠紗無分冒塵
絲群峰翠挺蒼官笏松化雲根擁桂旗水偃虹橋夾
菱鏡往來倒影驚鴻映蘋魚仰啞鬢邊花蝶蜂趕趁
明粧靚老入歡場感歲華前塵昔夢散風沙幾箇晨
星欣聚首清談坐到夕陽斜歸去柳絲吹滿路勝境
難忘屢回顧倪迂畫稿妙天然邱壑玲瓏具真趣

乙丑三月廿七日同子杰游獅子林

同前

拙政山茶推作新滄浪亭觀飛灰塵師林獨有神物

護奇石自得天趣真記經冠亂閱四載到處麈尾井
邑改蘇臺麋鹿走荆榛此間道構依然在分列東西
水旱園滿城士女賞春喧可憐物是人非故舊事無
從問鶴猿洞壑崦岬通九曲苔磴行穿圭竇促綠蘿
掩映徑旋螺天光一線明巖腹探幽入地陷深坎聳
身忽又登平陸陰陽顯晦寒暖殊踵頂上下相接續
笑語微聞不見形隔垣彷彿山重複魚鳥風雲八陣
圖迷途進退嗟維谷巡環莫出範圍中但覺峰巒森
簇簇眩目奇觀變態多恍疑五嶽真形縮豁然一旦
步平隄綠柳紅橋覆水低方塘照影驚鴻鴻度倚檻閒
談共聽鷓鴣啞賞倪迂工布置頓教城市成山谿妙解

十二

荆關皴劈法嵐景宛同圖畫携胸中邱壑相印證掃
苔潑墨爭留題詩情與石並庸峭搜索其突窮幽蹊
花間酒醒隣鐘動滿閣松風林鳥啼園旁畫禪寺中
有松風閣舊名五松園今松已枯萎

四月七日 同人集飲元鐵卿家復出游師子林

同前

小集壺觴讌祥符古寺隣素交逢石友游事記吳均
座遇石梅生吳清
翁示虎邱游記 歸燕巢新補盟鷗席共親師林花
笑日酒罷出尋春

林壑留真趣當年駐翠華畫圖倪瓚石風月狀元家
池淥侵橋柳衣香勝洞花巖陰逢舊識啜茗話蟲沙

丙寅三月五日同家人游獅子林過畫禪寺訪
洽隱園

同前

露桃煙柳媚清明難得春逢上日晴綠遍園林芳草
色傾城爭出踏青行

蘭雪堂傾草作堆畫禪寺裡磬聲催游春爭問潘儒
巷為訪倪迂疊石來

百家亭館狀元家洞壑玲瓏徑曲斜碧沼紅欄漾人
影蘋魚仰啞髻邊花

落英舞蝶滾成團到處園林放客看借佛游春尋古
刹松風滿閣坐盤桓

撲蝶尋芳載酒厨花蹊磳确倩人扶吳儂喜得承平

十三

日來看春風士女圖

踏青羅襪浣新泥蜂蝶團香路欲迷一段春愁飛絮
外夕陽人影各東西

獅子林小憩故山游跡詩十五首之一

吳縣亢樹滋同卿

叢爾園亭竟擅名數弓占斷闔閭城高人品自千秋
絕妙手文無一筆平怪石長松饒古意疏簾清簟愜
幽情林鶯見客如相識幾度尋春到此行

獅子林

葑南徐文錫韶符

春巖淡晴嵐窈窕瞰靈鷲歸然闌闌中著此數峰秀
嵌空天欲穿壁立土不覆陽崖風日暄陰厂水雲漱

石骨鬱嶒峻，皺瘦復透漏。自非造化鍾，一一鬼工奏。
偶來林下游，一境一奇觀。意所不到處，真宰誰能究。
撫景趣彌間，搜奇日以富。濤聲松際來，謖謖起清吼。
次和鄒鐵樵大令同游五松園之作

元和韓 崇元之

名園歷四朝，遂擅吾土美。逶迤入曲巷，踈曠忘近市。
峰峰各異態，蒼翠撲窅兀。洞壑相鈎連，巧匠不能理。
入山何必深，幽僻稱居止。維則古道場，彷彿舊壇址。
當年手種松，想見携鴉嘴。惜哉歷塵劫，枯影卧池水。
有客感舊蹤，聚散渺難紀。勝景豈久留，清游忍負此。
作詩追亡逋，結交念終始。

十四

獅子林圖為畫禪方丈映月題

同前

筆精墨妙暗門劉

圖為劉 彦冲寫

淡寫林壑意，匠幽獅子窟。

中時打坐一蒲團，外五松秋

獅子林一名五松園

雪窗蘭草巨然山，破墨淋漓不可攀。

映公兼 精六法

一代名

僧居勝地又留禪，藻滿人寰

游獅子林

吳縣 秦敏樹 歌之

高士有倪迂，性存山水癖。手奪造化工，累此萬端石。
蔚然林壑幽，一一峰巒積。上樹五蒼松，秀色拂天碧。
下隱百竅窳，妙寫天地蹟。邃徑鬱紆迴，複道勞行屐。
玲瓏却紛糾，白雲穿又隔。來游興不虛，曲折引詩魄。

幽悄古人心 厚重古人蹟 滄桑永不移 百代非過客

獅子林

海鹽朱炳清小泉

獅子林與虎邱吳門名勝同 虎邱郊外獅子林 城市中
一誇大王穴 一留名士風 或謂雲林巧 疊石誇神功
豈知朱德潤 趙善長 徐幼文 共築碧玲瓏 昔屬畫禪
寺拱護 梵王宮 今為黃氏園 園名號九松 碧峰狡獪
踞肖象 何奇雄 對面石勢阻 回頭路忽通 如穿九曲
珠旋繞 勢散空 如逢八陣圖 變化形無窮 故路忘出
入 新術迷西東 同游偶分散 音聞人不逢 變幻開地
脉神妙奪天工 一池璇源蓄怪插 青芙蓉 上下相顧
盼 各各皆改容 人嫌多詭氣 我道關鴻濛 詩情與畫

理悟此開心胸

游獅子林

松陵朱逢春柳塘

獅子林擅吳城 深得圖畫致 携策並尋游 趁此春初霽
累石成層壘 鑿池分水勢 喬松嵌石根 疎竹間蒼翠
平橋迤邐通 幽逕浮煙靄 屈曲造孱顏 突兀更奇怪
雨過尚聞聲 滴瀝流泉細 行行洞愈窄 凹凸路難記
緣上却如下 入內忽游外 登降步履艱 駭此咫尺地
性癖痼煙霞 當懷買山志 台嶽路迢遙 卧游惟圖繪
茲乃假勝真 點綴歎靈異 妙詣想雲林 題詩誌幽思

重游獅子林

同前

携杖重尋洞室幽 十年不到儘淹留 撐天奇石成靈

獸拔地喬松化逸虬下上層梯隨勢曲東西沼水合
源流倪迂去後誰圖畫聊向空亭醉酒甌

師子林記游

婁縣楊葆光古醜

吳市喧闐不可耐乃於闌闐求山林相國別墅鄰梵
寺門楣檠戟何沈沈小橋流水忽殊俗到此不覺清
塵心翠巒玉筍自高下逕路紛雜勞追尋腹實僅容
魚貫入斷齧相望聯嶽岑中或如厂如突碣或如濯
足隨流深下穿水穴更奇絕紅闌干外傳清礎咫尺
隔以尋丈勢壺中九華猶蹠泚頗聞倪迂弄狡獪奇
蹟留此連軒金師子神通至廣大邱壑信可羅胸襟
在昔翠華幸江左標題真趣聆玉音天章照耀卻兵

十六

火豐碑屹立留璆琳園丁淪茗相告語此時已苦冬
寒侵每逢春和車馬集樗蒲竹肉間醉醅我聞此言
重乾笑俗士豈復知登臨且具袍笏一展拜米顛狂
癖我堪任

獅子林

閩縣李宣龔拔可

入山恃志膽勿為雲所欺果登姑信峰我心猶自疑
乍陟若無路攀騰遂同躋一松倚一肩居高竟忘危
石筍森門限俯窺如立錐瞬息海三變銀濤湧風枝
大力負肩屬宛如支床龜咫尺清涼臺氣氳誰是非
坐位莫敢爭拍手天四垂欲呼採蓮船峰名茫然無
篙師

拙政園

元和袁學淵文綺

今年屢踏園中翠前度人稀花正開紅紫紛披亂無
數石邊獨立賞亭臺此日游人集羅綺撲蝶流觴臨
淶水清絲脆管發歌場鳴琴妙妓皆襍李時有群芳珠
喉宛轉遞新聲風送飛花拂鈿箏平泉甲第頻更立
金屋啼殘舊日鶯人間勝景不常好尋花須及春光
早前遊已換後遊人一度看花一回老金丹難駐鏡
中顏滿徑紅香堆不掃四百樓臺九十春北園煙雨
迷芳草

戊戌三月廿八日顧清卿游拙政園

同前

十七

十畝名園啟畫圖尋芳鶯燕偶同途香塵淺印弓鞋
小多事春風捲卻無

相國池臺映綺羅百年喬木厭笙歌

舊為海昌陳相國之遺別墅後

籍入花枝艷似唐韋曲天氣清如晉永和

園側誰家廢苑荒重門深鍵閉春光朝來幾點催花
雨天棘抽綠上女墻

園之東偏有廢園清池喬木花石玲瓏尚在

游拙政園

吳縣金蘭子春

一場懨懨閣然休依舊名園我輩游花竹經營前宰
相荏苒竊據偽王侯斷階斑駁餘膏血淺沼巒岒露
髑髏試問鴻南老槐樹興亡閱歷幾春秋

重過拙政園

長興朱紫貴立齋

月榭風廊得再窺夕陽影裡客來遲無人亭榭山茶
老有恨簾櫳海燕知蟋蟀籬空黃葉滿蠨蛸戶冷碧
苔滋舊時草長鶯飛日共許尋春到習池
紅塵那有地行仙猿鶴中宵應惘然自昔園林同傳
含於今樹石又平泉已枯荷葉難為鼎未老苔花賸
有錢我向回廊久延眺昏鴉一一下松巔

重陽日偕拙庵游拙政園

吳縣元樹滋 同卿

掩關忽報故人過欲往登高奈懶何把臂園林尋北
部回頭花月付南柯空梁燕去香泥冷荒徑蟲喧蔓
草多小坐漫深興廢感摩挲樹石且高歌

十八

拙政園尋春故山游跡詩十五首之一

同前

幾回折簡集朋簪勝地群將北郭探簾幙日高花艷
艷池塘風細柳毵毵衣香扇影春如畫燕舞鶯歌夢
正酣自是昇平饒樂事幾生修得住江南

拙政園山茶花用吳梅村原韻

吳縣馮應圖 小尹

梅村詩內山茶花兩株當日稱交加今來又值一百
載春風歲歲飛丹砂寶氣遠涵東海日珠光直射西
天霞寶氣珠光兩園結卿雲五彩生光華根種若非
資佛力安能劫歷恒河沙恒沙浩劫從何起當年住

近婁東里兵戈離亂盡身經十年聞見隨流水亂時
無恙只名園傳說行人猶在耳房屋多毀園為偽府故免園中游
賞彼何人黃巾長髮金龍履更起高樓入九霄臺築
姑蘇猶莫比那知風月宴名花只識笙歌鬪羅綺可
憐富麗好池臺昔屬王陳今屬李謂李秀成海上天兵動
地來四郊烽火森軍壘梟鳥金誅巢穴空流鶯晚集
歌簧喜先後住者中丞公中丞均出明光宮本是百
花頭上品自然雨露逐和風紫薇鈴閣應同盛芍藥
當階合並紅不比平泉間草木自開自落一春中國
邊老人為余說陽和從古催霜雪自從克復幾年來
花樹常常加倍發我聞獅林假石山天陰雨濕腥且

殷賊匿假山洞中多被糊死洞中野花亦間發根株清血常斑斑
又聞劉園草木少樓榭亭臺半不保枯松朽柏十一
存滿階落葉無人掃滄浪風景更淒清高低瓦礫無
芳草拋棄城南孰問津夕陽流水春光老數來名勝
一沾衣羨此花開燕子飛萬朵千枝長爛漫韶華長
住莫教歸

十二月二十日雪中偕筱泉智齋梨村游拙政園
騰衝李學詩希白

誰初此地闢綠野畫棟珠簾鴛鴦瓦富貴風流又一
時沒卻當年古蘭若采風類記載拙政園故大宏寺基也明御史王憲臣侵以為園
燕語鶯歌春正耐春風如客花如墨豪竹哀綠興未

畢六博輕擲亦太憨幾經桑田變滄海古藤盤岨色
不改曾聞待詔親手栽橋有瑞午遂令斯園生光彩老
樹參天孤雲寒小橋曲曲紅闌干怪石礚礚暈苔蘚
石洞陰冷煙蘿盤來游恰值風雪候梅花幾樹冷香
透隱約前立姑射仙肌膚盈盈豐神秀笑我不早學
長生鬚眉蒼白面容皺歸來忽忽如醉癡獨坐小牕
數清漏

嘉平二日偕程學圃丈吳穉樵妙共游拙政園

古吳潘敦先叔重

行行曲折到城東劫後園林入畫工吳代江山吳祭
酒春風杖履葛仙翁學文年七十五小橋岸嘴漸融

二十

碧殘雪枝頭萼破紅願祝年年腰脚健支硎鄧尉徧
游同

正月初十日偕穉樵游拙政園

同前

一灣綠水繞東城齊女門前迤邐行柳葉含眉隨氣
轉梅花笑口索人迎山塘時日留泥印崧嶽今朝祝
降生是日穉樵半日聽香深處坐天然畫意與詩情

拙政園聽評話

常熟王朝陽飲鴈

憔悴江皋吳祭酒名園何處看山茶寶珠色相成空
幻騰有垂楊噪暮鴉
一曲哀絃未忍聽熙朝舊話夢零星吳都花木門興

替白髮當年柳敬亭

游拙政園感賦

諸宗元

衡山手植藤猶在太息山茶花已枯數易主人憐水
竹還令狂客念江湖一亭可上石作齒萬蕊飄香梅
有鬚獨惜名園長倒置竟如扁篋守明珠

游寒碧莊

吳縣金蘭子春

奇峰羅列樹蕭森群盜多年聚綠林電閃旌旗終殄
滅風流裙屐又登臨硬黃四壁擅推闢寒碧雙池洞
壑深前度劉郎來也未桃花開遍畫陰陰

游寒碧莊

吳縣吳嘉淦清如

劉郎意氣人中豪粵擁擁節麾旌旄十年游宦不逞

二十一

意歸來築館臨蘭皋歌臺舞榭徑深還玉簫金管聲
噉嘈園成揮手騎鯨去畫閣重樓鎖霧留與嬉春
載酒人芳時鈿爲盈衢路轉瞬昆池換劫灰地生荆
棘遊狐兔不見牕前有落花卻看池上吹飛絮方今
宇內欣昇平海中張網殲蛟鯨還鄉尋樂得真趣障
袖拂拂春風生往日搖鞭度紫陌譜出新詞敞瑤席
衣香人影去匆匆爛醉狂歌拓金戟今來滿日歎荒
涼晉苑吳宮景不芳惟有文章千古在柳家猶賸讀
書堂

乙丑四月初二日偕吳丈清如潘子麐生泛舟
游寒碧莊

元和袁學瀾春棠

春風吹綠閣門樹扁舟重訪東園路

園為明時徐太僕同卿名泰時

之東園今為劉蓉峰觀察名怒所得始改今名怒性喜石中有十二峰

錦市推成瓦礫

場瑞雲石冷眠狐兔

東園中舊有瑞雲峰為南宋朱勛所遺瑞布防環之

依舊

桃花發滿墩劉郎游迹渺前度

寒碧莊在閩門外下岸花華其地有桃花

敬憶昔琴裘返粵西菟裘歸築傍清溪高陽池館喧

歌舞九曲亭臺醉客迷平生雅抱奇重癖揮金輦盡

太湖石十二峰圍七寶牕福地瑯環洞天闢無邊風

月會賓朋撲蝶流觴聚裙履七子聯吟雅集圖十番

鼓吹群芳席

園中盛時每春必集名姝為群芳曲局

可惜豪華景不

常送祖船散十房莊

園近地有十房莊為明尚書徐履祥宅徐富甲三吳長船渠即

其泊艇船處

鈿箏挂壁縈蛛網飛燕銜泥上畫梁風風雨

雨流年換九十韶光驚過半往日紅顏變老衰况復

滄桑經世亂廢池喬木厭言共清歌隔院愁聞按竭

來載酒共尋春巷陌荒涼少四隣顏垣一逕通花塼

斷井千家息戰塵萬卷堂空成蔓草落紅堆砌絕香

輪綠波想像驚鴻影不見從前拾翠人

泊船湖田游寒碧莊

同前

湖田煙草綠穢擢尋芳苑曲折循顏垣巷陌空繡幃

瓦堆鳥雀喧重門畫深健紫花開遍園蜂蝶採香嬾

綺牕半零落繁華春不管池臺騁遠矚拂袖和風暖

盛時集珠履金樽酒常滿富貴樂忘憂歡娛日嫌短

雕梁歌舞塵儵被驚輦斷玲瓏瑞雲峰棄置賞識罕

蝸篆綠墻碑苔痕上高館游情憶去年吟詩失前伴
去年與吳清文同游于此獨立望林巒無人更蕭散

偕同人游寒碧莊

同前

弭權泊湖田取徑訪寒碧入門臺榭荒春風冷游履
燕泥落空梁蛛絲冒壞壁笙歌絕繁響羅綺渺往迹
當年闢此園雅入山林格墻嵌百種碑庭列三品石
厄運邁兵戎勝游異疇昔吾來恣幽討放浪窮日夕
紛華理難久光陰駒過隙憐他胡蝶花閒增寂寂

過寒碧莊

同前

黃葉聲中記問津平泉轉眼草鋪茵盛衰事訖壁間
石來往客嬉池上春待放鼠姑將嫁女雙飛燕子做

二十三

家人只憐劫復園亭破何日經營更一新

丙寅三月偕友游春雜詩十四首之一

長洲潘鍾瑞啓生

轉棹沂山塘七里過其半煙水去徐徐艤櫂行柳岸
湖田舊風荷久作青紅爛斷垣見奇峰拔地卓天漢
問訊寒碧莊視此峰近遠開門積莓苔空堂無几案
扶疎仍柳榆高下自樓觀奇石周庭隅割取壺中玩
摸碑走循牆想見重文翰雅集羅琴尊好花四時看
幾經粉蝶尋都付蒼鼠竄繁艷開蔓菁滿園風物換

自湖田至花華寒碧莊畢

偕吳清如文春巢袁子泛舟遊寒碧莊登虎邱

沽飲酒樓而返得詩二首

同前

煙雨盪寒碧春風吹不還重携舊裙屐來看小溪山
靜與鷗通夢閒無鶴守關鶯花庭院在祇見石孱顏

其二

如此尋詩地偏無賣酒家移船勞借問撫景憶繁華
溪店開春甕軒牕近水涯斜陽醉歸去拂袖滿飛花
春盡日游寒碧山莊

長興朱紫貴立齋

玲瓏臺榭小巖阿略有峰巒掃黛蛾一片落花飛絮
裡赤闌橋上酒人多

二十四

欲共詞家賦錢春柳陰小立意逡巡一池絕好菱花
鏡只照明璫素袂人

劉光珊屬繪東園訪石第二圖并題

寒碧山莊昔為余師劉竹潛先生舊居饒泉石花
木之勝園東有宣和花石網所遺冠雲峰曩有民
居數百家繞之雖大力者不能從竹師乃於園東
築樓觀之曰望雲也咸豐初余從竹師習六法頻
登斯樓老友葉調翁曾作東園訪古圖今彈指五
十餘年竹師調翁墓木拱久矣庚申亂後園歸盛
冠雲峰前之數百家亦化為荒煙蔓草惟此峰巒
然獨存盛氏復購得之爰闢園墻規進之劉君語

石素有石癖適寓園中知余寒碧舊弟子索繪東園訪石第二圖并屬題長句以識盛衰顯晦之感時壬寅重九前二日也

冠雲之峰宣和道玲瓏瘦透如雲垂萬瓦鱗鱗堅護持歷劫不磨天亦私寒碧老人不能移築樓對之日哦詩我昔從師曾見之奇礧突兀猶可思滄溟又變桑田時紅塵頓露嶽崎姿名園重闢位置宜老梅稚竹相追隨劉郎嗜古尤好奇寄書更索訪石辭嗟余垂暮猶塵羈盛衰顯晦同堪悲何日東園得一窺石如能言石應知還當與石坐花。醉月話舊無嫌遜

留園

清永王之春 爵蒙

二十五

槎枒古樹亦爭新不信吳宮迹已陳劫後樓臺成變格雨餘花草潤芳塵地因幽靜留過客我得閒游即主人分付蘇臺門外柳風流好縮再來春

留園蘭社寄懷震伯

古吳潘敦先叔重

留園香草別經年雅集重逢倍惜憐宿植靈根滋九畹嫩寒新柳未三眠正宜詩酒聯吟會待放清明上塚船相約停橈同一醉春風二月杏花天

留園觀蘭即事

同前

徧插金閭細柳枝軍門褒鄂仰丰姿那知鎮守吳中地也想行吟澤畔時廿四番風看次第大千世界之

窮期人生行樂尋常耳我佛拈花笑我詩

是日釋家為觀音誕

留園蘭社口占

同前

名園舊蹟石林留曾記童年撰杖游
北日冠雲峰下立落英芳草動人愁

石林小院為留園舊跡幼時侍先大夫游到此已止今東西兩

園及冠雲諸峰皆後來展拓

瓊筵逐隊坐飛觴蜂蝶雙林欲醉香

知否詩翁已仙去黃壚無復話滄桑
園中遇雙林姊姊而送翁新作古人

游留園感懷詩

泉塘陳 栩蝶仙

劉家園子壓姑蘇路出閤門西北隅
不解吳儂緣底事家家池裡築浮屠

曲曲迴廊路路通幾重簾幕卷西風
欄杆不用珊瑚

二十六

斲自有斜階一抹紅

鏡檻玻璃六角明石床斐几小書城
分明絕似桃花館少個吳儂讀書聲

歌塵凝滿玳瑁梁軟繡簾遮小洞房
一自吹簫人去後舞衣閒疊女兒箱

細網蛛絲逗碧紗璇牕低護阿誰家
迷廊曲曲長闕鎖閒煞一株紅杏花

小篆新書別有天我來便是少游仙
如何一帶緣谿路不種蘆花只種蓮

纓絡珠燈敞畫堂海楠精舍好迷藏
垂簾不用薰香坐自有芝蘭一種芳

小樓窻檻出花梢簿醉登臨酒半銷東面虎邱西面
塔寒山四處是楓橋

靠山依水築欄杆小立橋亭怯袖單昨日斜陽今日
雪一般樓閣兩般看

竹籬茅舍雪精神老鶴無聲意頗馴好幅畫圖添个
我梅邊吟瘦一枝春

欄杆靠暖酒初醒碧幔深圍六角亭愛煞一雙金孔
雀居然為我肯開屏

冠雲奇石瘦磷磷幾載風霜練此身昨夜老仙題字
去古苔駁落補煙雲

小亭臨水綺牕開鏡面波光絕點埃試問年年清若

二十七

此玉容曾照幾人來

不數珠圍與綺寮梅花香裡月如潮書生到此無奢
願願借留園貯阿嬌

留園

海鹽朱炳清小泉

憶昔入劉園怪石森當門池館游人少苔榻饑鼯蹲
碑版晉唐萃古人之精魂摩挲認鮮石拂拭捫粉垣
亭榭半欹倒綠陰如海屯今來園變名雅游裙屐喧
珍禽圓籬樊異卉媚牕軒陳設於富麗幽邃無復存
廿二年逝水遠夢微有痕滄海變桑田一園何足論
仲春上澣陪任寄鷗中丞師及諸同人飲於留
園五峰仙館席上賦此呈盛旭人年丈

奇石移從瀛島中或坐如虎卧如龍
深山大澤久湮沒精氣乃與造化通
主人得之快欣賞清樽美酒華筵
敬座客同聲歎神物一筮攀倒巨
靈掌是日雨霽癡雲間長風浪浪
天上來梅花明月雨清絕花枝在
手月在杯有美一人顏如玉清歌
唱出迴鸞曲琵琶斷續三兩聲百
觴累進意無足座中二老年最高
矍傑是翁人中豪寄師年六十有九
旭人則七十八矣掀髯一笑濡大筆
浩如滄海生風濤人生快意賴有
此百年游戲聊復爾杯底同銷今
古愁筵前已盡東南美石上題詩
醉語顛置身合在蓬萊巔攬衣獨
起舞長劍更欲狂歌

倚九天

留園偶作

閔縣 李宣龔拔可

隔雨望斜日間鴉有短長荷漪吹濕鬢
石響送涼璫客去空携手詩成獨繞廊
向來異懷抱喧寂等相思

游寒碧莊

吳縣 亢樹滋

弭權泊湖田取徑訪寒碧入門臺榭荒
春風冷游屐燕泥落空梁蛛網冒壞壁
笙歌絕繁響羅綺埋往跡當年闢此園
雅入山林格牆嵌百種碑庭列三品石
厄運遭兵戎勝游異疇昔茲來重幽討
放浪窮日夕紛華理難久冷淡情彌適
憐茲胡蝶花背人開寂寂

九月八日滄浪亭懷古二十四韻

秀水朱彝尊錫也

滄浪有遺亭勝蹟今始到疎籬六枳楸小徑一僧導

古墻聳寺樓暗水接官漕怪石長差肩平林或妨帽

因而詣北碕歷歷見房奧石枰雖無存宋毛珣滄浪亭詩濯纓人

去水空寒事屬明時欲問難日暮客歸園館閉草庵

猶可造中丞我老友山水敦風好於馬翦榛芴復此

濬潭隩暇日携賓僚曾不擁牌轟春留露相駐暑便

接籬倒畬田課耕稼浦禽恣啄抱游觀民胥悅豈弟

神所勞湖州謫司馬賦才本雄鷲詩逼梅歐陽文亦

師訓誥賢相所館甥孔壬生嫉媚舉事偶不慎衆口

逞狂譟故紙錢區區乃誣名士盜茲事近千年識者

二十九

尚憤慎哲人貴自勝林泉遂遐蹈南陽招不去止用

尺書報雜花修竹間風月任嘲傲斯人洵可懷曠世

我心悼竭來謁祠屋思以渚蘋芼落景溪橋還商飈

遠吹滂

滄浪亭

吳江金文城宗元

曲逕清幽碧樹遮空亭鳥語落松花石橋一帶春三

月半是青帘賣酒家

滄浪亭

丹徒張學仁治虞

春流抱雲林雨過滴寒響楊柳雨三家門前晒魚網

翼然見孤亭石磴攀蘿上緬懷罷官人此地成清賞

閒鷺栖棋枰落花聚畫槩予亦思濯纓脩然動遙想

滄浪亭并序

元和袁學濶文綺

在城中郡學東吳越時廣陵王錢元璩池館其近
戚中吳軍節度使孫承祐亦築園其地慶曆間蘇
舜欽得之傍水築亭曰滄浪後為章中公所得園
林之勝甲於東南建炎後為韓蘄王所得由元迄
明廢為僧居釋文瑛復建滄浪亭於大雲菴旁近
宋牧仲中丞益增修之其名勝遂永不廢矣

錦樹蒼涼春色改古埭長流濯纓水鐵券虛存霸業
空詩家偏得危亭在廣陵當日雄分藩經營卅載開
名園疊山輦盡太湖石鑿沼直通銀漢源十四州七
劍光冷繁華散逐雲煙影相國東門芳草愁狐狸夜

三十

哭欄前并集賢蘇子瀛洲仙來此偶泛菰蒲船崇岡
清連繞花竹交柯喬木橫蒼煙徘徊喜遂卜居願四
萬輕擲囊中錢買比無邊好風月鷗沙片席時醉眠
倏忽塵寰鬪龍虎一檝竟奪章家圃翊運堂高氣象
雄樓臺特起將軍府物換星移世幾遷平泉變作梵
王宇草綠南園胡蝶飛陌花誰唱香車歸蟠龍古礎
叢斑蘚春去游人歎戶稀歷觀興廢真彈指富貴榮
華只如此鴝鷓隨雨嘯黃昏鬼燈夜向墻根起蘄王
祠碣生青苔都官亭榭歛塵埃縈情幸有綿津老重
向滄浪除草萊永使名區屬長史年年傾國看花來

南園覽勝

同前

三月二日同家人游南園大雲菴雲陰欲雨人蹤
寥寂遂入三景園小坐出登滄浪亭謁羊元保祠
還叩西道堂復往郡學訪落星石及廉石風雨欲
來隨即返棹

步訪南園舊蹟遺陰深喬木陰清池蘋波綠繞舜欽
宅煙柳春濃羊守祠隨處閉關僧避俗潛行林密鳥
催詩牡丹開盡游人少郡學東頭碧草滋

三景園飲茶

同前

園臨滄浪水門對滄浪亭游春集裙屐香塵走畫鞦
沈公舊講堂今植花滿庭沈歸愚尚書講堂後廢今改為茶肆後面為花園
綠盆栽小樹環繞如圍屏茶煙裊竹裡彈詞靜可聽

三十一

閒來淪茗坐酒客醉為醒餅賣街頭壚牡丹插座瓶
南園芳景妍踏翠多娉娉撲蝶傍花叢丰姿鬪尹邢
此地年年到垂楊依舊青

游大雲庵

同前

老栝參雲翠色深池中石塔影懸鉞虹橋接引游人
跡經藏留傳古佛心曇釋談禪開鹿苑香山遺稿重
鷄林春風桃李南園路出色花枝共蝶尋
古栝蒼然不計年草庵名尚著枯禪蝶旋徑轉滄浪
水龍藏經傳釋梵天泉味綠香茶灶火竹光青裊塔
輪煙驚鴻倒影池塘淥游賞春風結靜緣

羊太守祠

同前

南史宋羊元保為吳郡守廉素寡欲去後民思廟
在烏鵲橋南俗誤為羊叔子祐因辨正之

烏鵲橋南沸管弦元嘉賢守廟猶傳千家墮淚虛遺

碣

惜用叔子事

一代清名著選錢德政去思羊祐後笙簫

報賽麥秋前衣冠優孟歌廉吏孫叔官貧宦績全每

年春晚劇中演劇彌月

丙寅三月朔同潘君麀生暨子清瑞游滄浪亭

同前

連朝卷風雨南園春已深幽人趁新時滄浪共登臨
雉堞露遠山曲徑通禪林溪水涵淨綠濯纓清塵襟
僧寮其香茗清談諧素心亭碑偃灌莽枿石苔衣侵

三十二

古塔消瑞光臺榭燬兵祲隱蹟追長史風月任縱擒
買隣錢四萬讀書涌自斟牕盤野蔓青高逸傳至今
勝地頻易主駒日馳駸駸風流彩雲散芳池涸蹄泠
豪華倏邱壠惻愴雍門琴亂後重經行畦菜黃布金
聞寂三賢祠瓦礫積庭陰雲堂亦哀歇鐘梵渺遺音
興廢感疇昔憑眺發長吟

南園昔盛日桃李送芳姿禪盒香市鬧裙屐聚游嬉
流鶯雜笑語林花艷錦帷錢吳留古苑喬木陰清池
亭館湖蘄王勲紀墻間碑紅欄護宛轉蜂蝶舞參差
題詩會冠裳觴詠牡丹時名優炫姚冶顧曲情為移
笙歌一席宴費過中人資其旁五柳居改創吳賢祠

沈公舊講堂彈唱盲女詞春暄車騎盛耽樂忘歸遲
豈知沉浩劫蕪穢成荒陂世界本浮塵翻覆更局棋
回頭覓陳迹繁華渺無遺城闌閣芳草幽鳥啼高枝
過墟逢故老話舊共吁噫

同子杰登滄浪亭

同前

滌洄積水抱孤亭草木猶餘戰血腥歸苑鴉添枯樹
葉濯纓人對遠山屏萬千世事更棋局五百賢碑散
雨星不見樓臺風月景雙橋寂寞柳垂青

和許達甫人日游滄浪亭謁蘇長史韓蘄王遺

像

獻歲椒盤溷俗塵南園憑眺寄閒身亭臺風月詩仙

三十三

宅香火因緣古佛鄰鐵券勲名虛事業梅花消息報
新春看山驢背清涼士合伴浮杯讀史人

游滄浪亭謁宋縣津中丞遺像

同前

滄浪傾廢百年中賴有商邱起復功池館重開煙月
景經綸遠繼白韋風西陂魚麥承恩澤南部煙花作

寓公

公有西陂別墅禹之鼎為繪西陂魚麥圖未作

并魚麥堂匾

耽戀濯纓歸路晚塔尖遙指夕陽紅

戊戌三月十六日同蒙泉游南園看菜花登滄
浪亭入三景園聽說稗傳

同前

初春步南園隄柳綠未垂正月間赴正誼書院嘗同蒙泉游此今來春

已爛桃李逞妍姿禪盒香市集裙屐聚游嬉流鶯答

笑語林花映玉肌言登長史亭細讀墻間碑紅欄俯

澄沼魚戲藻參差留題多措紳觴詠盛當時名優一

舞衫費過中人貨笙歌繪昇平民瘼鮮置辭園中多陶雲汀

陳芝楫兩中丞聯句赫奕絲津翁塑像蒙塵絲宋牧仲中丞風

流滄浪蘇故蹟俱遷移昔日五柳居改作吳賢祠沈公舊講堂今彈

盲叟詞園為沈歸愚宗伯祠中有世界本浮塵頻更

局上棋回頭盡陳跡過去無復遺茲游恐易忘聊以

紀我詩

己亥三月九日同顧奕齋晚步滄浪亭有懷故

友蒙泉陳子感賦二章 同前

四圍水竹淨塵埃幾度尋幽踏徑苔鄰笛咽愁花欲

暮酒壚感舊首重回前游人去山河渺勝地春喧車

馬來紈扇畫帟行樂處綠陰轉眼遍亭臺

相携淪茗坐前軒橋上驚鴻笑語喧己丑年與蒙泉舊游事往

事已隨飛絮盡閒愁空對淥波翻年深花石雨生鮮

境寂輪鈴風與言欲溯錢兵尋舊蹟迷離煙靄綠南

園

同作

長洲顧益金奕齋

莫問韶華去若何重門長日掩青莎春風自逐歡場

轉蕩雨偏從空谷過載酒喜尋垂釣渚携柑爭聽濯
纓歌柳絲花片紛如許收拾奚囊好細哦
憶昔鶯啼草長天伊人曾共此留連元龍意氣成千
古蘇子亭臺又一年白髮更誰憐短髻黃壚有客聳
吟肩何堪聯袂經行處早見春林起暮煙

滄浪亭

吳縣金蘭子春

城市擅幽勝彎環十畝塘孤亭幾興廢流水自滄浪
庭竹憂涼雨澗花燃夕陽徘徊未能去得句寫清防
甲辰正月十七夜偶至滄浪亭

元和陳克家梁叔

上元已過少游人良夜無風興獨乘一歲已看初缺

三十五

月六街猶有未收燈誰家絃管清流響此地亭臺冷
似冰欲喚豪吟蘇子美共來橋上曲欄憑

過滄浪亭廢址

吳縣吳恩熙並青

城南舊游地亭構已全荒前澗自流水斷橋仍夕陽
有情買風月無主感滄桑大雅不可作詠觴懷漫堂
丙寅三月偕友游春雜詩十四首錄其二

長洲潘鍾瑞慶生

好春只三分二分倏已過命傳不在多行歌藉唱和
迎人高樹光新綠淨難唾屋撒菜畦長散金補垣破
天依城闕圓地放南園大清磬出精藍間根脫塵堞
環居水半灣侯門增一箇暫此乞茗供隨便參蓮座

揮毫見腕力不嫌粉壁沈何必疥以詩重來笑王播
初一日同袁子春集暨其令嗣東侯游南園想大雲庵旁小院老僧聞深工書

震川昔作記云地無定名亭或變為庵庵後還為亭
滄浪水長逝大雲流不停因念王壯愍廢闕勞經營
落成建牙去於茲祖餞行忠魂儻來降風月仍清明
英雄老骭髀詩客終飄零高阜數稜瓦斷礎盤蔓青
登眺送斜日愴然懷古馨來朝看山去更約揚吳舲
再滄浪亭感王壯愍公庚申重修事

滄浪間眺 故山游跡詩十五首之一

吳縣亢樹滋調卿

灌木千章水一灣滄浪勝概傍禪關名區自古因人

三十六

重逐客何時化鶴還邱壑已迷游釣地壺觴空憶鳳
鸞斑廢興不盡人間事輸與亭邊風月閒

滄浪亭懷古

吳縣秦敏樹敬之

涼飈動高林蕭瑟城南路雨後客獨來水鳥忽飛去
孤亭悄無人寒蟬聒深樹小憇讀鮮碑悠然起遥慕
緬昔蘇學士遭讒此流寓宏材世不用風月發幽趣
文章濁酒澆泉石高名附彈指七百年濯纓水如故
圓荷葉搖風老桂花滋露詩魂何處招黯淡斜陽暮

登滄浪亭

清泉王之春爵崇

山光水色隔疏櫺明道堂高靜不扁石補蒼苔生積
翠竹搖春雨滴空青詩人結構當年朔孺子謳歌比

地聽濯足濯纓皆自取徵懷好與上斯亭

滄浪亭贈乙蓮上人

吳縣汪 芑 燕庭

芳甸絢朝暉晴野春盎盎城南尺五地步慄遂孤往
貴戚舊池館殘滅委榛莽遺址弔霸才破寮瞻古像
長史昔讒謫樂茲境高敞構亭俯澄川觀懷謝塵埃
風月樽不空煙波舟屢榜林陰軒戶靜山氣巾裾爽
嘯侶梅歐陽題詩寄幽賞汨汨榮辱場羈身等羅網
一朝得自勝高情邈雲上摩抄幼婦碑弔古心悒快
當途甚風雅典型詎知做村童事樵蘇鄰婦拾粟橡
喬木撐煙平修竹緣徑長游儵動青蓮野鳥弄圓吭

三十七

廊空夕陽影履綦恍可想松風吹子落猶聞石杵響
性本暮簪高矧此高山仰避世東皋子息機漢陰丈
甯思五嶽游破費屐幾緡手揖滄浪僧結廬許我儻
夜夢玉滄浪亭作詩醒惟記領聯足成寄蓮公

同前

斷約通幽境頽垣護曲廊魚跳池藻動花落石枰香
禪榻永清話吟寮延夕陽平生無熱夢多在贊公房
散步滄浪亭大雲庵流水居諸處有感效白

吳縣馮應圖 小尹

散步即散悶悅目乃悅心悶散心亦悅曠然愜幽尋
初沿滄浪曲再游祇樹林南園地清曠東風天晴陰

古寺大雲閉禪居流水深游人昔稠密獨客今沉吟
况乃舊宅近豈免新愁侵回思生死別泣下涕沾襟
舊居離滄浪不百步時時往游一草一木無不
流連亂後宅毀滄浪亦不常到到輒凄然

同前

不到城南又一年滄浪流水故依然干戈非復初平
後亭榭翻思未闢前滿匣霜痕衰草地半含風色夕
陽天豈徒憑吊堪流涕往事傷心總淚連

滄浪口號

同前

野寺村橋六七里城南風景看如此垂楊餘綠晚楓
丹新月初黃暮天紫

三八

偕汪稚琢吳樺樵兩丈游滄浪亭追和曾大父
韻

古吳潘敦先叔重

一碧滄浪水高風不可期清涼塵外境蕭遠畫中詩
曠代興亡感名山事業遺古稀二老者杖履樂追隨

稚丈年七十二樺丈年七十一

自在斯真趣拘牽反誤期
汪星臺君寓滄浪亭屢訂
不果是日不期而過並荷
引穿林勞引勝捫石讀題詩風月無邊賞亭臺勝跡
遺濯纓清可鑑孺子許相隨
稚丈携一孫余挈二子

嘉滄浪亭廢址

海鹽朱炳清小泉

屋圯怪石峙橋留寒淥渟荆榛瘞枯骨徑沒少人經
借問採薪者云是滄浪亭卓哉蘇長史不與權貴倫

泡影悟宦海幽夢落寒汀清風明月夜浩歌激青冥
紅羊小劫後鯁生來問津兔窟蔓草碧鴟鳴喬木青
有亭仰流型無亭亦秀靈有亭興無亭一樣姓名馨
世祿侈廣廈丹青輝窓櫺一朝兵燹燬繁華春夢醒
始知不朽業千古惟文星城隅落日瘦寒色滿林坳
孤游非匿迹賞廢倍疑神白鷗知我意孤影立伶仃
偕李毓甫家紫仙游重建滄浪亭謁五百名賢

祠

同前

烽火孤亭地蓬蒿曲徑荒高懷子美好好句憶歐陽
重見軒牕秀依然竹石涼文星原不朽匿迹比滄浪

其二

三九

斗北隆名重江南德教卓數符羅漢像地溯大雲庵
異代淵源接同堂道法參吾家星使跋履齒比幽探
先叔祖虹舫閣學道光戊子督學江南五百名賢像
刻有跋語

滄浪亭題壁

吳江周麟書迎陵

子美滄浪一壑專堯臣永叔記流連蒼茫重向空亭
立恨我遲生九百年

滄浪亭題壁

諸宗元

有竹有水石此園以廊勝何來打碑人氈墨聲相應

南園

鉅野王禹偁元之

天子優賢似有唐鏡湖恩賜賀知章他年我若功成
後乞與南園作醉鄉

南園

新繁梅 挈公儀

長洲茂苑足珍材
賸買前山活翠栽
客土不疏承帝力
幾多臣節共安東

長洲茂苑占幽奇
巖榭珍臺入翠微
園李露濃山色秀
徑桃煙暖一香飛
月臨夕樹鳥頻遶
風揭珠簾燕來歸
弭蓋暫歡成結戀
斜陽憑檻獨依依

銅山蘇舜欽 子美

西施臺下見名園
百草千花特地繁
欲問吳王當日事
後來桃李若為言

與周元明游南園

晉陵胡 宿武平

一遍芳菲欲滿林
回塘過雨曉未深
紅妝珠珮交花

四十

影白馬春衫度柳陰
向老追攀多強意
隨時風物但驚心
眼前百事輸年少
猶解因君放浪吟

周元明

漫爛花時錦繡張
無端下馬繫垂楊
山亭水閣笙歌地
合與行人作醉鄉

南園

開化程 俱致道

王子池臺跡已荒
年來華構壓高岡
長林不破千山月
老幹猶舍九夏霜
便覺平泉冠東洛
還依綠水記南塘
蝸廬都好通幽徑
岸幘時來一嘯長

南園

元和袁學瀾 文綺

挈伴南園幾度游
年年來此散閒愁
落花啼鳥催春

事畦菜塲桑愜野謀擔榼誰家喧上塚憑欄有客賦
登樓錢吳霸業今何在勝有崇岡繞碧流

風迴紫陌菜花香掃墓人來醉野棠一作寥落西教

檣九推扶黛耜春日郡守祭先酣春十隊鬪虹粧赤

蘭古院森喬木古赤蘭相王白足荒庵鎖夕陽福城

庵為裕撫莫問揖青亭舊蹟寒蕪已徧鶴栖堂尤西

軍所禁逐我園已荒廢惟鶴栖堂尚存未兩句一作欲問八亭三閣址寒蕪一帶繞滄浪

綠水環亭竹萬株流杯遺迹未全蕪一作滄浪遺杏

花春雨詩詞景人影衣香士女圖掃地病僧閒退院

呼晴野鳥勸提壺林間獨醉眠芳草高韻於今尚憶

蘇醉倒惟有春風知蘇子美集中句末兩句一作經

城南來往香花人故事猶聞話近隣隙駒光陰憐夙

昔磨牛踪跡踏陳因樓臺約略傳藩府甲第依稀記

相臣木石無端勞貢取當年曾此因吳氏

風閣雲亭渺舊基祇餘喬木蔭清池蘋波綠繞舜欽

宅煙柳青濃羊祜祠往事已隨飛絮影閒愁空惹好

花枝醉鄉日許游人乞白馬青衫賭賦詩

人生倘促實堪哀那不登臨笑口開澹澹夕陽明雉

堞依依春草上鷄臺爽鳩前樂難重問一作前游客

隙駒流光豈再來一作勝地花且覓高陽舊池館一作

且覓蘇梅相携同盡比深杯一作

南園游春 同前

桑畦菜隴間，頽垣寥落，民居幾戶存。鶴老松枯，堂構圯無人重問。水哉園

瞿園車馬聚，喧闐不到於今。十六年舊日亭臺，今易主春來景物尚依然。

池臺匝地擁香塵，半雜屠沽半市民。臨水隔花亭一角，華妝時露美人身。

梵宇琳宮到處開，春風裙屐聚城隈。菜花純作黃金色，引得游人逐隊來。

布金地暖接滄浪，蛺蝶穿畦作繭黃。歸路袖携花氣滿，春衣不必更焚香。

茶室臨溪陰，柳煙大雲庵對。菜花田俯窺，橋上鷺鷥。

四十二

影瞥眼風花過卅年

昔在乙丑歲與陳子蒙泉至南園觀郡守祭先農行九推禮還

至滄浪亭大雲庵側臨溪茶室門陰垂楊軒窓映綠榜有小橋時有游女往來余與蒙泉憑欄吟眺各有即景詩事隔卅年蒙泉又歸道山回首前塵惘惘如失矣

看花定慧趁新晴，五百賢祠取次行。紅日半輪銜遠堞，南園芳草不勝情。

按定慧寺蘇公祠，即辟疆園郡守蘇公以捐賑餘銀所建。五百名賢祠在滄浪亭陶雲汀中丞所建。

故友陳蒙泉嘗寄余札云：日來風日喧妍，索居無事日與嚴茂卿或看花定慧，或踏翠南園出門隨。

所至而休焉。昨偶步南園一探，好春消息徘徊久之。遠眺落日火如車輪，亦如蘋實濃雲潑墨相映。

之遠眺落日火如車輪亦如蘋實濃雲潑墨相映

瞬息銜山因歎駒隙光陰至此尤連回顧綠楊幾
樹眉眼窺人作嫩金色若有若無新燕掠波似有
定巢之意聊述之以鼓雅人踏青之興云爾

偕楊竹谿表兄南園游春

同前

城隅踏翠香塵涌油菜花開金遍隴偶逐春風汗漫
行親戚相逢游興勇綠樹迴環流水居魚鼈放生無
怖恐大雲庵裡女燒香綺羅合隊鈿輿擁滄浪隔岸
見亭臺柳媚桃嬌於荷寵郡學黌宮氣象尊文才南
國聲華重園林到處烏啼煙寒日幾家人上塚社鼓
錫蕭賽會場紙錢麥飯棠梨壘綠髻華年愛冶春紫
陌輕衫來接踵隨意杯盤隨分酒醉看落日紅霞捧
一隄芳草戀忘歸贏得閒愁千萬種

三月十九日同潘雯齋閒步南園

同前

綠陰春已晚潛步南園址荒陂陰喬木斷汶浮芳芷
訪古滄浪亭留連濯纓水冷落三賢祠板橋欄柱毀
尋芳綠雪軒殘花亂紅紫沈公舊講堂茶煙裊窓几
閒行幽意愜行跡避塵軌林昏雨氣塞野曠風聲起
怡情拾香草前游失彼美無聊坐茗談禪鐘出煙裡
游南禪寺旁小院贈間深長老

同前

已公舊院據兵戎亂後空門更覺空坐有墨池能遣
興立無錐地不嫌窮書禪遠繼長沙老壽量參同寶
掌翁掃地焚香忘世事常清淨守佛家風

同沈筠坡兒清瑞雲華游流水禪居

同前

放生池館淨無瑕士女閒游語笑譁柳岸魚跳吞施
食水軒人雜賣清茶蔗漿錫鉅春場擔粥鼓禪鐘梵
釋家輕卷塵封僧外出深房靜鎖一庭花

游赤蘭祠

同前

赤蘭相王姓桑名湛壁周敬王時吳王闔閭築城
城下有蛟龍績用弗成神以烏薪千艘下之工乃

四十四

竣土人祀之為赤蘭將軍

十畝叢祠闢菜田築城功紀敬王年園開桃李成春
景利括錐刀算權錢祠為權使署中石丈玲瓏天祿
獸花神綽約貌姑仙花神廟蛟龍也歛重淵蹟俗隸
何多聒近前是日游多隸役

無梁殿

同前

在開元寺明鄭貴妃用錢二萬萬建甌閣兩層以
藏經卷

憑虛不用棟梁材運甃功成紺字開七女宮樓森寶
地九蓮菩薩布金臺西來白馬藏經典南極紅羊辟
火災三百年朝餘蔓草貴妃遺構尚崔巍

輦載黃金布施來凌雲八寶涌樓臺琉璃色燦鴛鴦
瓦搏埴功侔柱石材度架三乘傳貝笈陶甄萬竈熟
松煤靈光終古歸然在不遂香姜化劫灰

開元寺

同前

香刹盤門路春餘靜綠陰篆煙濃石像花雨散祇林
酬願愚民俗無求卧佛心帝青傳法鉢僧寶燦塗金

流水居

同前

綠閣南園路平橋跨鏡川禪居環碧水高柳映青天
席散看花局燈傳授戒筵飛潛機活潑魚鳥得生全

報國寺

同前

零落青鴛舍荒苔春草深民居煙火雜佛髻鮮苔侵

四十五

衰旺形家說清虛梵唄音
衣百衲無戀契禪心

寺礙撫暑風水明末
改低三尺遂以不振

僧貧

麗娃鄉并序

同前

在吳縣南宮里夫其地連甄胄水接通波風著清
嘉俗敦禮讓一陂香草尋芳時見美人比戶笙歌
結佩相逢歡子舞白紵唱吳歎令節佳時群游聯
袂臨水隔花前裳撲蝶腰肢背後髻影風前傾國
傾城呼之欲出昔杜少陵詩吟多麗趙昭儀鄉號
溫柔覺肇錫嘉名惟此間為擅美矣

訪艷南宮里鄉名記麗娃笙歌羅綺月金粉苧蘿花
論價珠量斛行遊果擲車春晴香水賦群集浣溪紗

其二

山入夫差苑江流桃夏宮地當吳會際人在畫圖中
鶴市梨花雨魚橋柳絮風十洲三島境仙俗略相同

南園散步

吳縣亢樹滋個卿

樓臺高下接重重滿眼鶯花夢正濃春色迷人人不
醒夕陽影裡一聲鐘

南園風物本清腴此際腥羶夾路隅不識誰家年少
女三三五五禮耶穌

歲晚南園閒眺

長洲彭慰高詞生

三冬龜坼隴頭泥徧擊靈鼉雨澤遲擊艇老漁挂疏
網還巢寒雀踏枯枝江村米賤呼庚癸茅屋霜濃飼

四十六

豆糜

有擔粥飼貧戶者

卒歲生涯人盡拙荒畦幾見麥苗滋

莼庵招飲席罷南園晚眺次碩庭韻

同前

陰寒閉柴關跼躄愁難展快茲風日清郊原恣流眇
吾廬不數武徑隨流水轉柳弄柔條黃履印晴泥軟
孤村人迹稀遙山黛痕淺雙橋跨通波獨樹剝蒼蘚
郭外布帆飛時驚隔離犬卓卓鶴栖堂何處訪楫扁
草際一拳石摧殘僅而免榮悴亦何常蒼茫難詰辨
久立澹忘言不筇力差勉歸途寫清景急把枯毫吮

南園

吳縣吳國榛

南園故址宿草蕪野色雲光兩模糊山鳥格磔萬籟

靜數椽茅屋入畫圖

糝黏二字恐係糝糊之誤爰特改正

可園獨游梅花盛開為賦長句

儀徵嚴玉森鹿溪

文襄

左文誠袁

去已遠高雪衡雲來作花疎籬密護

斷人迹鐵骨橫空群鳥嗟當年觴詠倏泡影天山劍

戟令桑麻比花閱世將二紀冷極無言聽晚鴉衡山

雪薄梅亦少泉根幾樹微煙遮

戊寅冬居衡山

炎荒孤賞抱

冰雲乾坤一氣春萌芽可園入散爾清寂空廊不斷

新雲霞夜深脈脈來鶴語門外時時喧馬過湘上何

人吟水涯黃河西北無悲笳繞花千轉傷心極白髮

青門長種瓜

四十七

南園

吳縣錢

辰秋潭

倚城雲樹鬱蒼蒼流水小橋花自黃老屋三間名士

畫橫山一角美人妝村中日暖幽禽語陌上風薰細

草香覓得誰家好泉石遺蹤莫問廣陵王

南園

長洲尤

侗悔庵

二月桃花開三月菜花盛游人聯袂來啼鳥發春興

我亦南園叟獨把長鏡柄

和金東雷南園間眺韵

元和陳

任公孟

東廬東雷所居示我南園句回憶湖濱比屋居卻道籬邊

秋色好杖藜要訪讀書廬

低徊六十年前事，舊夢迷離敦與溫。光緒初，余家就居帶城橋，時

散學恒往南園嬉游記得南園風景美，水環城郭樹環村。

晨至五畝園賞荷，口占呈主人。

吳縣亢樹滋，個卿。

為賞池荷，趁早涼迎人。花氣遠相將，鏡中翠袂徐徐展。剛是佳人整曉妝。

愛傍迴廊曲折行，畫簾高捲暑風清。祇憐老眼模糊甚，蒂綠邊紅看不明。

東山聲望競相誇，門外常停長者車。誰識年來瀟灑趣，四時飽賞滿園花。

長至赴綏之五畝園

同前

四十八

五畝園林五畝池，深居最是此間宜。開軒水石饒幽致，繞徑松篁挺秀姿。雅集西園曹入畫，君繪重陽名

流北郭，倒工詩。連番置酒勞相召，酹酢拚同醉。一鷗五畝園林五畝池，常年文物渺難追。蘭亭梓澤空千古，曲徑迴廊又一時。到此每深濠濮想，別來常動蒹

蘭思。遲遲好待陽和轉，滿擬移樽就故知。

寓五畝園即事

長洲葉昌熾，鞠裳。

恒沙等是一微塵，何必園林問主人。宋梅宣義，章莊簡至元明以後

屢經易姓丙舍草書新舊帖。廊下有湖州丙舍，碣皆國

闌花態淺深，顰悠然濠濮。從莊叟安得神仙起，子真

我亦浮游聊寄客，隔牆笛韻可為鄰。書室牆外即厝

池臺蕭瑟隱菰蘆山色登樓望有無廣夏本宣絃誦
地暮春如泛羽觴湖翟泉出地餘蒼鳥梵塔摩穹自
赤烏報恩寺浮圖在東燕語空梁人不見謝公別墅吊黃墟
謂亡友謝綬之學正

游南園同秦雲有作

吳縣汪 芑 燕庭

嬉春裙屐自年年春到南園景倍妍霸王河山銷鐵
券詩人風月買青錢漫悲吳越興亡史且學歐梅唱
和篇喬木荒池都入畫濯纓亭畔儘留連

文章大塊賦吾曹跳出名場意興豪春水河橋花鴨
腴夕陽樓閣紙鳶高裙腰綠襯平蕪草衫影紅欺野

四十九

峰桃好句奚囊收不盡天涯有客敬征袍謂朱萬卷

南園為廣陵王元璩舊圃中有流盃旋螺亭亞于
滄浪之景王禹偁元之宰長洲時無日不携客醉

飲嘗賦詩云他年我若功成後乞取南園作醉鄉
今園中大堂遂以醉鄉名之大觀末蔡京罷相欲
東還詔以其園賜之京即以詩贈親黨云八年帷
幄竟何如更賜南園寵太師堪笑當時王學士功
名未見便吟詩元之之詩不過寓意耳京遽以無
功名誚之元之雖終為黜臣其名與天地同不朽
京居相位二十年又處師垣之尊至今雖三尺之
童唾罵不已其賢不肖何如也

南園銷夏

太倉顧晞元子雨

一番疏鑿闢榛芳遠翠濃于畫幾層縱飲近邀池上月鈔詩偶借佛前燈興來結夏尋鷗侶舊憶行春過馬塍襪襪笑人忘觸熱何如此地試敲冰

南園席上

同前

別墅城南記晉公後先憂樂古今同乞湖曾攬江湖勝挽俗終期風俗通潭水情深和酒綠平泉境遠息塵紅園林金粟開芳社引玉深慚句未工

